



Urkunden-Sammlung zur Geschichte der auswärtigen Verhältnisse der Mark Brandenburg und ihrer Regenten

...

namentlich in Beziehung auf Anhalt, Bayern, Böhmen, ... und andere
Länder ; [Urkunden-Sammlung für die Geschichte der auswärtigen
Verhältnisse]

Riedel, Adolph Friedrich

Berlin, 1848

2150. Kurfürst Johann beleihet Melchior von Schönfeld mit dem Dorfe
Wehnsdorf bei Luckau, am 28. Sept. 1487.

Nutzungsbedingungen

[urn:nbn:de:hbz:466:1-56633](https://nbn-resolving.org/urn:nbn:de:hbz:466:1-56633)

2149. Kurfürst Johann erbiethet sich der Stadt Hamburg zum Vermittler ihrer Streitigkeiten mit dem Herzoge Johann von Sachsen, am 16. August 1487.

Johanns, von gotts gnaden Marggraue zu Brandenburg etc. Unsern gonstlichen grus zuuorn. Erlamen vnd weyßen lieben besundern. Als bizher zwischenn dem hochgebornen fursten, hern Johanfen, Hertzogen zu Sachßen, Engern vnd Westualen, vnfern lieben Swager, vnd uch ettlich irrung gewesenn, darinn wir euch vormals schriftlich vnd durch Unsere Rete oft ersucht, die sachen gutlich verfast vnd zu tagen bracht, den vnser lieber Swager, so vnns vnser Rete bericht, besucht vnd ir ausbliben seit, deszhalbenn die sachen vnentschieden also hangen, werden doch bericht, wie sich, indes wir bey kayserlicher Maiestet zu Nuremberg gewesen, ferrer irrung zwischen dem obgenannten vnserm Swager vnd uch begehen sollen haben, dar vns nicht geliebet. Damit aber solche irrung, ferrer aufrur, schaden vnd verderbung der land zu uerkommen, zu aufztrag bracht mochten werden, wollen wir vnser treffliche Rete zu uch kortzlich schicken, die sachen allenthalben zu uerfassen. Deszhalbenn ist vnser Begere mit sundern vleis bittende, wollet gegen vnsern lieben Swager obgnant vnd den seinen mit der that nichts furnemen, sundern die sachen in gutlichenn stand, wie vormals verfast, biz zu Unser Rete zukunfft beruhen vnd ansteen bleiben lassen, als wir vnns des vnd alles guten zu uch versehen, das wollen wir widervmb beschuldenn vnd in gnaden erkennen. Geben zu Coln an der S^urew, am donerstag nach Assumpcionis Marie, Anno etc. LXXXVII^o.

Den Erlamen vnd weyßen, vnsern lieben Besundern Borgermeistern vnd Rathmannen der Stadt Hamburg.

Aus dem Hamburger Stadtarchive.

2150. Kurfürst Johann beleiht Melchior von Schönfeld mit dem Dorfe Wehusdorf bei Luckau, am 28. Sept. 1487.

Wir Johanns, von gots gnaden marggraue zu Brandenburg, des heiligen Romischen Richs Erczkamerer vnd Churfurst, zu Stettin, pomern etc. herczog, Burggraue zu Nuremberg vnd furst zu Ruggen, Bekennen offentlich mit dissem briue vor vnns, vnser erben vnd nachkomen Marggrauen zu Brandenburg vnd sunst vor allermeniglich, das wir vnserm lieben getrewenn Melchior von Schonensfelt vnd seinen menlichen liebs lehens erben das dorff Wanstorff mit allen zinsen vnd Rennten, obersten vnd nydersten gerichtenn vnd mit allen gnaden, freyheiten vnd gerechtikeiten, als sein vater seliger solchs von vnserm lieben herrn vater loblicher gedechtnus zu lehn gehabt, zu rechtem manlehen gnediglich gelyhen haben vnd leyhen in vnd seinen menlichen leibs lehens erben solch dorff waynstorff mit allen seinen zugehoringen wie vor berurth zu rechtem manlehen, in crafft vnd

macht dits briues vnd also, das sy das furder mehr von vnz, vnfern erben vnd der marg-graffschafft zu Brandenburg zu Rechttem manlehen haben, So oft des not ist nehmen vnd empfangen, vns auch dauon halten thon vnd dienen, alls lehnsrecht vnd gewonheytt ist. Wir lyhen in hiran alles was wir in von rechts wegen daran verlihen sollen vnd mogen. Wir haben auch von lunder gunst vnd gnade wegen Balczar von Schonenfelt vnd Jhan von Schonenfelt, sinen ohnen, die gefambten hant an folchem dorff gelihen, als gefampter hant recht vnd gewonheit ist, doch vns, vnfern erben vnd nachkomen an vnfern vnd sunft yderman an sinem rechten one schaden. Zu urkunth mit vnserm anhangenden Ingefigel versigelt vnd Geben zu Coln an der Sprew, am Fritag vigilia michaelis, im LXXXVII^{ten}.

Nach dem Kurrürk. Lehns-Copialbuche d. R. Geh. Kab. Archivs XXIX, 37.

2151. Kurfürst Johann verschreibt dem Albrecht von Leipzig ein Angefälle auf Krossen, Kottbus, Züllichau oder Sommerfeld, am 28. Nov. 1487.

Wir Johans, vonn gotts gnaden Marggraue zu Brandenburg, Churfürste etc. Bekennen offenlich mit disem briue fur vns, vnser erben vnd nachkomen vnd sunft vor allermeiniglich, das wir angesehen vnd erkant haben getrewe, willige vnd annehme dinste, die vns vnser lieber getrewer Albrecht von leypczk ofte zu danck getan hat vnd hinfurder woll thun soll vnd mag. Darumb vnd auch von Befunder gunst vnd gnade wegen haben wir im vnd seinen rechten Menlichen leybs lehens erben zu rechtem angefell vnd Manlehn gelihen Funnhundert Reinsche gulden auff den ersten lehngutern, die vns in vnserm ort landes vnd herschaften Crossen, Cotbus, Zulch vnd Somerfelt verledigen vnd heimfallen werden, vnd wir leyhen im vnd seinen Menlichen leybs lehns erben Solch Funff hundert gulden also zu rechtem Manlehn vnd angefell wie vorberurt, in craft vnd macht dits briues etc. — doch vns, vnfern erben vnd nachkomen an vnfern gerechtickeiten vnd sonderlich herrn Abraham von dhonen an seinem angefell, das wir im hieuoren in den genanten vnfern herschaften vnd weichpilden verschriben haben, vnshedlich: auch was wir hienach von angefallen verleyen wurden, sollen dem genanten Albrechten von leypczk vnd seinen erben an disem onshedlich — sein. Zu vrkunt etc. Actum Coln etc. Am Mitwochen nach katerine im LXXXVII^{ten}.

Nach dem Kurrürk. Lehns-Copialbuche des R. Geh. Kab. Archivs XXIX, 56.